



DEO OPTIMO MAX.

UNI ET TRINO,

VIRGINI DEI-PARÆ, ET S. LUÇÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS;  
manè discutienda in Scholis Medicorum, die Martis duodecimâ  
mensis Martii. Anno Domini M. DCC. LXXI.

M. ANTONIUS PETIT, in Horto Regio  
Anatomes & Chirurgiæ Professor, è Regiâ Scientiarum Academiâ,  
& Militarium Regni Nosocomiorum Inspector, &c. &c.  
Doctore Medico, Præsîde.

*An salubrior in crines Equinos, quàm in lanam pennasve, decubitus?*

I.



E ægrorum decubitu, tum apud Antiquos cum apud Recentiores multa, & quidem utilia delibari possunt; res autem erga sanorum decubitum, aliter se gerit. Hoc circa Hygienes subiectum pauca (ne dicamus nulla) scripta extant; ideo non mirum quod ferme omnia supersint dicenda. Nobis istud frenum injiceret, nisi nova tentare satius esset, quàm crambem semper recoquere: hinc enim quid in posterum præstans inòdque necessarium, inde verò nihil nisi supervacaneum, quandoque fastidiosum scaturire valet. Decubitus nomine intelligunt Medici supinum hunc lateralemve

corporis in lecto situm quo ; fractas refarcire vires & somno indulgere quærimus. Lectus seu cline quid sit, omnibus notum est, parata nempe ad recubitum sedes. Gens humana fessos quieti dat artus : Africanus & Asiaticus Morphaeum, Morphaeum Americanus & Europæus invocant ; modo tantum illius expectandi recipiendique dona, inter se dissident. Hic de omnium Extraneorum decubitus aliquid eloqui non abs re foret, penum verò tale nostrâ præstantius experientiâ, indefesso perdoctoque viatori deferimus, & in hacce quæstione quod certo certius ac nostris ipsismet oculis observavimus, duntaxat perpendemus.

## I I.

**S**INGULARUM spectando mores & usus Europæ nationum peculiare quoddam, sæpiusque heteroclitum annotatum est : idem fere circa varias consiciendorum clinium rationes, iudicium feratur. Etenim Germanos attende, tibi plumæ duas inter culcitas corpus supra subterque positas, se somni favores accipere ultrò fatebuntur. Polonum consulas, in qualicumque oblectari se lecto atque dormire, dummodò siccâ pelle alcinâ stratum induatur, te suavem relinquet. Si Moscovitam inviseris, hunc neque in molli thalamo, neque in purpurâ ornato vires reficientem, contra super coriis stragulisve cooperta tabulata, vel melius scamna cubantem reperies. Nunc Galliam perlustra, nonnullisque provinciis immoreris : ferream multòque frequentius ligneam lecti compagem, ab omnibus poene incolis usu receptam animadvertes, stratis adeo supercumulatam, ut tori petendi causâ plurimis necesse suppedaneum sit. Strata alia straminæ, alia *glumalia*, altera *muscea*, altera *crinita*, hæc lanea, illa plumæ fabricantur ; ubivis autem modo non eodem disponuntur. Hic supra memoratam compagem primum palea, vel gluma, vel muscus ordinem, secundum crines, aut lana, tertium pluma occupat. Illic musco, glumâ, paleisque fastiditis, priorem crines, sequentem pluma, lanaque postremum locum obtinet. Talis apud nos usus ita invaluit ut, somno priusquàm indulgeamus lanis, sæpius verò plumis decumbere necessarium credamus : quo enim fâto pauculis arrideat individuis, latera, dorsum & artus crispis crinibus committere, ignoramus.

## I I I.

**C**RINES à culcitiis adhibitos hipposetam esse seu crines equi, neminem latet : quos anal sim Chemicæ expertos, oleo faleque volatili paucis, multâ verò terrâ constare probatur. Laneæ culcitæ loto pluries, pexo quandoque velere componuntur. Lotionibus lana sic repetitis subacta, succisâ certe quidem minori olei spiritûsque volatilis quantitate turget : dicendum tamen quod æquali utriusque substantiæ pondere servato, Chemicæ ter saltem in loro vellere ditiora quàm in crinibus sint producta. Plumæ cum pennis brevioribus, vel melius abdominali avium tomento parantur strata ; tomentum autem illud domesticis vulgò volucris, ac præsertim anati aserique detrahitur. Si principia plumam constituenta computas, luxuriantem olei foetidissimi talisque admodum penetrantis copiam colliges. Alterâ longè simpliciori faciliorque methodo de crinium, lanæ, plumæque primordiis dijudicari potest. Hippotetæ super candentes carbonēs impostæ, subitò marini salis instar detonant, levis & fugax tantum

refulget flamma, quæ vix sensilem naribus odorem affert. Idem si velleri experimentum adhibeatur, nullus sit crepitus, velox passim lumen surgit, quod donec omnino materia cremetur, gravcolens nervisque olfactoriis molestum suffimen exhalat. Igni quoque ardenti si pennas exposueris, statim accenduntur, aque foetidissimum & quasi suffocantem fumum emittunt. Ex his porro sal volatile ac oleum in tomento uberrimum, in lanâ rarum, tandem in hippofoetis parçissimum merito suspicari possumus.

## I V.

**E**O calidiora Naturæ sunt producta, quò majori salis alkali volatilis, olei, sulphurisque copiâ donantur. Tantò contra eminentiori temperantiâ gaudent, quantò longius ab hisce principiis discedunt, vel aliis oppositis constanter. Naturalium substantiarum tum internis tum externis viribus efficiuntur corpora. Ut inter solida liquidaque congruum sanitati æquilibrium fervetur, quorumcumque individuorum primi concitatores motus & calor, haud præcipiti nimioque passu, rectius verò levi moderatoque incedere tenentur. Si perfectè sani corporis 24 intra horarum spatium emissæ ponderentur excretiones, collectis cæteris dejectionibus insensilem perspirationem quinquies abundantiorẽ futuram, cuilibet attendenti notum erit. Qui per levia cutis spiramenta humorum multò plus emittunt, in his pedetentim nervi sensibiliores, imbelles effloetæque vires, machina denique flaccida marcescit. Innatos calorem & motum quodcumque adaugere valet, hoc etiam solidis liquidisque stimulos addit. Utrumque lanæ plumæve culcitæ, absque controversiâ sortiuntur effectum; hinc vel perspiratio fortior sudorem mentiens, vel plethora spuria, vel malorum sæpius obmutescentium amara soboles. Habitâ igitur ratione peculiare ad decubitus in §. II. exaratos, non mirum quod apud nostras regiones indigenæ, endemicæque sint agrypnæ; quod spasmodici affectus regum magnatumque turres potiusquàm pauperum tabernas pede pulsant. Non mirum quod inertibus ac inexercitatis viris mariscæ seu hæmorrhoides, ditibus faminis leucorrhæa tanquàm famulitium habeantur. Non mirum tandem quod maxima germanorum pars corpulentia, guttâ rosacæ, varicibus, fisis sporadicè affligatur, atque similibus toto vitæ curriculo hostibus consuecat.

## V.

**Q**UÆ post se mala decubitus in lanam, aut in plumas invchunt, illa decubitus in crines equinos infligere non potest. Hippofoetæ, sive harum principia per decompositionem extracta consideres, sive autopsiam consulas, nonnisi temperanti, sedanti, refrigerantique facultate pollent. Ad salubrem invitant quietem; somnum conciliant placidum; cutis, renum, aliorumque corporis colatoriorum amicæ, blandam sufficientemque perspirationem suppeditant, citrinam abundantemque diuresim promovent. Quid plura? Talia ex toris cum filice siccata confectis emolumenta comparant Apalachites; talia ex lectis suspensis *Hamach* dictis cæteri Americani. Quot individua lanæ solito incubantia, jamque pridem insomnia, in hippofoetas decubitu pertinacibus à vigiliis soluta omnino fuere? Plures esset, vel fluxui hæmorrhoidali obnoxios novimus, qui ab his incomm-

modis crinitum stratum nostro consilio lanceis, aut plumeis culcitis præponentes, expediti sunt. Nonnullas fluore albo laborantes mulieres observavimus, quæ molliora clinia hipposetæ gratiâ lubenter abdicando, sanitatem integrè recuperarunt. Aliquot tandem podagricos, nephriticos, melancholicos vidimus solo diurno nocturnoque in *Hamach* decubitu perfectè curatos. His itaque positis ac pensatis, lanam & plumas haud amplius ad decubitus commendamus: utraque œconomiae animalis integritati adversatur, & pharmaceuticum tanquam auxilium censeretur, interque remedia tonica, diaphoretica, sudorifica tantummodò annumerari debet. Crines equinos verò analis simul & observatio valetudini famulari testantur: unde concludimus,

*Ergò salubrior in crines Equinos, quam in lanam pennasve, decubitus.*

Proponēbat Parisiis TUSSANUS GUINDANT, ex Virzione apud Bituricenses, Doctor Medicus Monspeliensis, Nosocomii Aureliæ Antiquus Medicus, Collegii Medicorum, Regiæque Societatis Rei Agrariæ ejusdem civitatis Socius, necnon Saluberrimæ Facultatis Medicinæ Parisiensis Baccalaureus,  
A, R. S. H. 1771. A SEXTA AD MERIDIEM.